

Lai p'tête Suzon

poi Henry Tournier

1. Eh bîn : l' bonjour, lai p'tête Suzon
I aie atye ai vos dire
Vos voérîns bîn saivoi mon nom
I vos n' lo veux pe dire
I seus r'veni dâ hie â soi
Dâ l' pus bé Rédgiment di roi
Ho : Traderi dera
2. E y é sept ans qui m' en allé
Glorieux, provè mai tchaince
I n' tiudô pe tiain i paitché
Qu' è f'sait chi bon en Fraince
An maindge, an boit c'ment des pachas :
Qu' è m' en â dj' grie de nos ratas :
Ho : Traderi dera
3. Ès m' aint botè de faction
Devaint lai citadelle,
Et ces que n' saivînt pe mon nom
M' aipp'lînt lai sentinelle
È n' y airait piep' pèssè ïn s'ri
Qu' i ench' criè : Tiu â-ç' qu' ât poi li ?
Ho : Traderi dera
4. Èl ât veni des généraux
Qu' étînt tot pieins de gloire ;
Èl ât veni des caporaux
Que m' aint paiyie è boire,
Ènn' bèll' cocaidge en mon tcha
Cré nom d' mai vie, qu' i étôs bé !
Ho : Traderi dera
5. Nos sons t' aivu dedains lai dyiere
Èl é fayu se baittre
D'aivô ces tchairvôt' de Prussiens,
Crougie lai boéyonnette,
I â tirie dains l' pus épâs :
Ès tchoiyînt tus c'ment des craipâs
Ho : Traderi dera
6. Et nos royîns tus c'ment des fôs

Tiaind i r'senté poi d'rie
În côp que m' foté droit chus l' dos.
An m' poétche an l' infirmrie :
I d'moérôs tot l' djoé â yé,
I enraidjôs c'ment îñ toéré.
Ho : Traderi dera

7. Tiaîn i eus fini mon condgie
I r'venié voue mai blonde
I l' ai trovè en mairiaidge
D'aivô l' Djoset d' lai Combe
V' â-t-ç qu' ât lai foi que t' me djurôs
Que te m' ainmôs, bell' que t' étôs

Ho : Traderi dera

8. Ç' ât chur, bîn chur
D' aivoi predju Suzette
Mains n' sie d' ran d' boussè des railâ
Ç' ât dînche aivô les belles
Po m' consolè d' rétr' tot d' pai moi
I veux rallè ... servi le roi !

Ho : Traderi dera